

續修四庫全書



《續修四庫全書》編纂委員會編

續修四庫全書

上海古籍出版社

一二五四・子部・類書類

楹聯叢話十二卷〔清〕梁章鉅撰……………一

楹聯續話四卷〔清〕梁章鉅撰……………一一五

巧對錄八卷〔清〕梁章鉅撰……………一七三

時務通考三十一卷（卷一天算一至天算六）〔清〕杞廬主人等撰……………二二五

2463/04

楹聯叢話

〔清〕梁章鉅撰

據天津圖書館藏清道光二十年桂林署齋刻本影印原書版
框高一八六毫米寬二六四毫米

楹聯叢話

道光庚子夏日刊於桂林署齋

楹聯叢話
序

楹聯叢話序

菴隣先生八閩碩儒吐納經範無書不讀有美必彰曩者提刑山左手輯唐五代以前名論先之以聖賢遺訓之在諸經外者爲古格言十二卷昌既受而讀之矣閱十年而繼李善誤文選旁證四十六卷博綜審諦於唐宋元明以來卅七家之言以訂晉府汲古之誤而集是書之大成美哉富矣近復讀公二集一爲退菴詩存推本倫紀鑒別金石逢源於經籍殫精於時務詩也而政教寓焉一爲退菴隨筆則數十年參參於庭訓師傳因時隨地藉束身心期

楹聯叢話序

諸實用自謂無關乎著作而學殖躬行經史諸子官常家禮文事武功蓋靡有弗備者比年爲吾粵采風陳詩徵文考獻將有三管英靈之集而公暇搜羅羣萃未已迺復以所輯楹帖見示諷徧八方稿凡三易每聯輒手敘其所緣起附以品題判若列眉瞭如指掌夫道體之罔弗該也文字之罔弗喻也語其壯則鯤海鵬霄語其細則蛟鼉蝸角須彌自成其高也芥子不隘於納也楹帖肇自宋元於斯爲盛片辭數語著焉無多而蔚然薈萃之餘足使忠孝廉節之惻百世常新廟堂琬璋之觀千里如見可箴可銘不

殊負幾趨庭也紀勝紀地何啻梯山航海也詠諧亦寓勸懲欣戚胥關名教草茅昧於掌故者如探石室之司矣膾炙遍於士林者可作家珍之數矣一爲創局頓成巨觀惟公以蓬山耆宿入直樞垣敷歷大邦疊膺重寄雖官書林立而几案塵清偶當詩鉢文壇輒復露垂泉湧茲則秉節全圻總宏綱而理庶政猶是思艱圖易舉重若輕雍容乎禮法之場翔泳乎文苑之圃爛武所謂智深勇沈穎濱所稱神止氣定者非歟故於前所著諸集見公之綜貫百氏取精用宏而於斯集有以見公心源治法以整以暇爲天

楹聯叢話序

授非人力所能及也道光二十年庚子春正月陳繼昌謹

序

楹聯之興肇於五代之桃符孟蜀餘慶長春十字其最古也至推而用之楹柱蓋自宋人始而見於載籍者寥寥然如蘇文忠真文忠及朱文公撰語尙有存者則大賢無不措意於此矣元明以後作者漸夥而傳者甚稀良由無善萃成書者任其蕪落湮沉殊可慨惜我朝聖學相嬗念典日新凡殿廷廟宇之間各有御聯懸挂恭值翠華臨莅輒荷宸題寵錫臣工屢承吉語

楹聯叢話序

天章稠疊不啻雲爛星駭海內翕然向風亦莫不輯頌劄詩和聲鳴盛楹聯之製殆無有美富於此時者伏思列朝聖藻如日月之經天自有金匱石室之司非私家所宜撰輯而名公巨卿鴻儒碩士品題投贈渙衍寰區若非輯成一書恐時過境遷遂不無碎璧零璣之憾竊謂劉勰文心實文話所托始鍾嶸詩品爲詩話之先聲而宋王銍之四六話謝伋之四六談麈國朝毛奇齡之詞話徐鉉之詞苑叢談部列區分無體不備遂爲任彥昇文章緣起之所未賅何獨於楹聯而寂寥罔述因不揣固陋初爲斯

編博訪遐搜叅以舊所聞見或有偽體必加別裁郵簡編於四方討源旁及雜說約畧條其義類次其後先第一曰故事第二曰應制第三第四曰廟祀第五曰廟宇第六第七曰勝蹟第八曰格言第九曰佳話第十曰挽詞第十一曰集句附以集字第十二曰雜綴附以諧語分爲十門都爲十二卷非敢謂盡之而闕涉學故膾炙藝林之作則已十得六七粲然可觀方之禁局似稍擴其成規比諸句圖亦別開之生面云爾道光庚子立春日福州梁章鉅撰於桂林撫署之懷清堂

楹聯叢話序

二

楹聯叢話卷之一

福州梁章鉅輯

故事

嘗聞紀文達師言楹帖始於桃符蜀孟昶餘慶長春一聯最古但宋以來春帖子多用絕句其必以對語朱箋書之者則不知始於何時也按蜀耆枕云蜀未歸宋之前一年歲除日昶令學士辛寅遜題桃符版於寢門以其詞非工自命筆云新年納餘慶嘉節號長春後蜀平朝廷以呂餘慶知成都而長春乃太祖誕節名也此在當時爲語識實

楹聯叢話卷一

一

後來楹帖之權輿但未知其前尙有可攷否耳
吳越時龍華寺僧契盈吾閩人也一日侍忠懿王游碧波亭時潮水初滿舟楫輻輳王曰吳越去京師三千里誰知二水之利如此契盈因題亭柱云三千里外一條水十二時中兩度潮時江南未通兩浙貢賦率由海達青州故云時人稱爲聯句

浦城真西山先生嘗讀書邑之粵山名其齋曰學易卽今南浦書院地也有春聯云坐看吳粵兩山色默契義文千古心見三才圖會余嘗主南浦講席擬爲敬錄此聯懸之

楹柱而因循未果附記於此

朱子於紹熙五年築滄洲精舍時年六十有五矣自書一聯云佩韋遵考訓晦木謹師傳謹按朱子之父章齋先生嘗自謂卜急害道因取古人佩韋之義爲號又朱子受業於劉屏山先生先生有字朱元晦祝詞云交朋尙焉請祝以字字以元晦表名之義木晦於根春榮華敷人晦於身神明內腴此朱子聯語所由出也滄洲精舍卽竹林精舍據年譜時爲韓侂胄中傷以內批罷歸除江陵府不拜又乞追還新舊職名則已無意出山又懲於趙汝愚之貶及

楹聯叢話卷一

羣小之攻僞學故有感而爲佩韋晦木之思焉

滄洲精舍中尙有兩聯一云道迷前聖統朋誤遠方來一云愛君希道泰憂國願年豐又朱子全集卷後所附載聯語尙多謹摘錄如左以見南宋時楹帖盛行雖大賢亦復措意於此矣贈人聯云水雲長日神仙府禾黍豐年富貴家又廣信南巖寺朱子讀書處聯云一竅有泉通地脈四時無雨滴天漿又建甯府學明倫堂聯云師師庶僚居安宅而立正位濟濟多士由義路而入禮門松溪縣學明倫堂聯云學成君子如麟鳳之爲祥而龍虎之爲變德在生

民如雨露之爲澤而雷霆之爲威又知漳州日建書舍於天寶鎮山開元寺後頂聯云十二峰送青排闥自天寶以飛來五百年逃墨歸儒跨開元之頂上又贈漳州一士子云東牆倒西牆倒窺見室家之好前巷深後巷深不聞車馬之音又一聯云鳥識元機銜得春來花上弄魚穿地脈挹將月向水邊吞至世有刻爲木榜懸諸堂楹人所習見者如讀聖賢書行仁義事存忠孝心立修齊志日月兩輪天地眼詩書萬卷聖賢心此類尙多安得有心人爲之一搜戰乎

楹聯叢話卷一

墨莊漫錄云東坡在黃州一日過歲除訪王文甫見其家方治桃符公戲書一聯於其上云門大要容千騎入堂深不覺百男誰

困學紀聞云攻媿先生書桃符云門前莫約頻來客坐上同觀未見書按攻媿集四明樓鑰大防撰宋韓康公宣撫陝右太守具宴委蔡司理持正作候館一聯云文價早歸韓吏部將壇今拜漢淮陰韓極喜之又京口韓香除夜請客作桃符云有客如擒虎無錢請退之此二事皆見蔣平仲山房隨筆皆切韓姓此亦後來贈聯切

姓之濫觴也

碑史載宋洪平齋俞新第後上吏衛王書自宰相至州縣無不指撫其短大畧云昔之宰相端委廟堂進退百官今之宰相招權納賄倚勢作威而已凡及一聯必如上式未俱用而已二字時相怒之十年不調洪自署桃符云未得之乎一字力只因而已十年間

濯纓亭筆記云元世祖初問趙子昂之名即召見之子昂丰姿如玉照映左右世祖心異之以爲非人臣之相使脫冠見其頭尖銳乃曰不過一俊書生耳遂命書殿上春聯

楹聯叢話

卷一

四

子昂題曰九天開闢宮殿萬國衣冠拜冕旒又命書應門春聯題曰日月光天德山河壯帝居按日月十字今率用爲新歲桃符幾漏問巷而不知始自松雪翁且非臣工所宜用也 又按今人家門聯率用天恩春浩蕩文治日光華十字不知此乃雍正年間

御賜桐城張文和廷桃符句張氏歲歲懸之後京官度

歲強半書此作大門春聯遠目則外省亦此戶皆然矣

堅瓠集載趙子昂過揚州迎月樓趙家其主求作春聯子昂題曰春風閱苑三千客明月揚州第一樓主人大喜以

紫金臺奉酬

孫季昭亦示見編載黃耕叟夫人三月十四日生吳叔經作壽聯曰天邊將滿一輪月世上還鍾百歲人或謂將滿一輪若是十三日亦使得不若云猶欠一分便見直是十四日也予謂猶欠一分非祝壽底語終未若魏仲先壽萊公詩云何時生上相明日是中元形容得七月十四日坦然明白矣周益公生於丙午七月十五日嘗詩以聯曰年與潞公同丙午日臨萊國占中元公覽而笑曰賢此聯已道盡了生年月日只欠說出一箇生時便是一本好建生

楹聯叢話

卷一

五

矣按此二事亦後來壽聯切目之濫觴也

元楊元誠地山居新話載元統間余爲奎章閣局官題所寓春帖云光依東壁圖書府心在西湖山水間時余嶼山爲江浙儒學提舉寫春帖於山居曰官居東壁圖書府家住西湖山水間偶爾相符亦可喜也

明周聯金陵贈事載太祖嘗御書春聯賜中山王徐達云始余起於濠上先榮捧日之心建茲定鼎於江南遂作擎天之柱按此二六字乃初封信國公語中語也又一聯云破竹中興功貫古今人第一出將大相才兼文武世

無雙蓋亦賜中山王作

列朝詩集載學士陶安宇主敬明太祖嘗製門帖賜之曰

國朝謀畧無雙士翰苑文章第一家

簪雲樓雜說云春聯之設自明孝陵助也時太祖都金陵

於除夕忽傳旨公卿士庶家門上須加春聯一副太祖親

微行出觀以爲笑樂偶見一家獨無之詢知爲醜豕苗者

尙未倩人耳太祖爲大書曰雙手劈開生死路一刀割斷

是非根投筆徑去嗣太祖復出不見懸挂因問故答云知

是御書高懸中堂燃香祝聖爲獻歲之瑞太祖大喜資銀

楹聯叢話卷一

三十兩俾遷業焉

洛水元龜初獻瑞陰敷九陽數九九八十一數數通乎

道道合元始天尊一誠有感岐山丹鳳兩呈祥雄鳴六雌

鳴六六六三十六聲聲聞于天天生嘉靖皇帝萬壽無疆

此明世廟齋醮對聯乃袁文榮所撰見沈德符野獲編

又一本云撰靈寶之章以成文天數五地數五五二十

五數數生於道道合元始天尊尊無二上截嶰竹之簫以

協律陽聲六陰聲六六六三十六聲聲聞于天天生嘉靖

皇帝帝統萬年詞句大同小異傳是夏貴溪手筆

野獲編云張江陵盛時有送對聯謂之者云上相太師

德輔三朝功高日月狀元榜眼二難登兩第學冠天人二

陵欣然懸於廳事先是華亭公罷相歸其堂聯云庭訓尙

存老去敢忘佩服國恩未報歸來猶抱慚惶雖自占地步

而詞旨謙抑勝江陵之誇詡遠矣昔年殷懃城罷相在里

江陵以宋詩爲對聯寄之云山中宰相無官府天上神仙

有子孫蓋諛與嘲各半頃者沈四明謝事居家則直用李

適之語云避賢初罷相樂聖且銜杯又今相國福清公耶

中所粘桃符則云但將藥裹供衰病未有涓埃答聖朝尤

楹聯叢話卷一

爲渾雅

前明邱南鎮岳由亞卿左遷藩參數厚遣張江陵嘗以黃

金製對聯飲之云日月並明萬國仰大明天子丘山爲岳

四方頌太岳相公蓋亦欲以已名時蒙記憶也江陵喜將

驟擢之未幾敗岳遂罷歸

七修類稿云吏部許尙書讀其父亦吏部尙書也讚先爲

戶部尙書其兄紹亦嘗爲戶部尙書也俞子木爲作一

聯云父家宰子家宰秉一代之銓衡兄司徒弟司徒總兩

京之會計又陳敏之本天台人也任徽州歙縣訓導書一

聯於衙曰四萬八千丈山中仙客三百六十重灘上閑官
一則不可移易一則天生切對

嘉靖末年南京城守門宦官高剛於堂中書春聯云海無
波濤海瑞之功不淺林有梁棟林潤之澤居多蓋謂剛峰
念堂二公也宦官亦重諫臣如此

堅瓠集云邱仲深學博貌古而心術不可知嘗與劉吉不
協劉作一聯書其門云貌如盧杞心尤險學比荆公性更
偏時論頗以爲然

傲帝齋餘談云江陵初賜第於鄉上御筆親勒堂對云忠

楹聯叢話卷一

八

可格天正氣垂之萬世功昭捧日休光播於百年可謂異
典極褒至癸未籍沒則並第宅不保矣但對聯乃御製御
書不知當時在事者何以處之

又云嘗於都下見一罷閑中貴堂間書一對云無子無孫
盡是他人之物有花有酒聊爲卒歲之歡又全用南宋喬
行簡詞中語此輩亦知達生如此

又云向見王百穀家桃符云豈有文章驚海內漫勞車馬
駐江干曉其太誇填過隙蒼公中庭書一聯云天爲補貧
偏與健人因見懶誤稱高蓋用陸務觀語雖謙抑實簡傲

也去年至支硎山范長白學使齋中懸聯云松風高士供
蘭夢美人同其所書卽所作也時范未有子故有夢蘭句
然圓夢字又作原唐宋人皆已兩用之未知孰是范又有
對云門前自水流將去屋裏青山跳出來又用笑林中里
童屬對語亦奇

滇省南關外前明有趙某業屠一日欲宰母牛忽失其刀
時小犢在傍仰臥哀鳴趙鞭之起則屠刀在焉因感悟乘
屠刀攜子母二牛屏跡西山每吟滅去心頭火要見昌洞
賓之句有道者過訪趙款以茶盛以古磁道者失手墜地

楹聯叢話卷一

九

趙似動喚念道者忽不見古器依然遺片紙書云洞賓方
纔到心頭火又生趙愧悔一目憑欄觀海遙見沐藩於昆
明池習水戰若有所羨遂流然逝後提軍陳用賓來滇偶
遊西山一一如舊遊石壁記有趙沒之年月日與提軍生
日適符乃知卽趙後身也自言鎮關時有道者來見款以
茶問滅去心頭火否不解所謂也臨別約以鸚鵡一會至
是詢知鸚鵡山遂往遊焉見一瘋道人手執二瓶兩口相
對立於山石間笑語日軍門別來無恙此時向那頭跳出
語未竟從首喝之頓失所在提軍始悟二瓶對日卽昌字

立於山石節巖字就立處為橋曰迎仙橋山半有洞竇像為環翠宮後人題聯云春夢慣迷人九環仙骨誤著了一品朝衣任雞鳴紫陌馬踏紅塵軍門向那頭跳出空山曾約伴六詔杯茶猶記得七閩片語看劍影橫天笛聲吹海先生從何處飛來

前明工部尙書張忠定公延登以功名顯劉理順吳麟徵

夏允彝周延儒皆其門下士也家署門聯云門多將相文

中子身係安危郭令公蓋門客所題贈

堅瓠集云萬曆辛丑九日焦弱侯先生招同人登謝公樓

楹聯叢話卷一

十

一友曰嘗見欽天監柱聯云夏至酉逢三伏熱重陽戌遇

一冬晴今諺云夏至有風重陽無雨皆訛傳耳按今晴占

驗語上句作夏至有雷三伏冷下句亦作重陽無雨一冬

晴往往有驗

明末李忠肅都憲邦華問外城陷遂棄家移宿於文信國

祠中李亦言水人既北而再拜復就信國公位前三揖曰

邦華鄉邦後學合死國難請從先生於九泉矣遂以白繪

繫於信國之龕柱而死後其鄉人換題新額為二忠祠又

題楹柱云後死須知無二道先生豈願有忠名幾於千金

莫能易一字矣趙甌北詩所謂故知曠世心相感恰好同鄉跡再攀是也舊有邊華泉聯云花外子規燕市月柳邊精衛浙江潮

相傳吾鄉曹石倉先生學佳辭官歸里時閒行街巷見一

陋屋柴門不正柱上署桃符云問如何過日但卽此是天

詢知宅主乃屠者徐五也徑入廳事有二聯一云仗義半

從屠狗輩負心多是讀書人一云金欲兩千酬漂母鞭須

六百撻平王先生為之悚然徘徊問徐五已回與語甚契

洽因定交甲申之變徐五攜隻雞斗酒徑造先生廬排闥

楹聯叢話卷一

十一

而人見先生驚曰吾辨此奉祭耳何尙在也先生遂拜而

就義焉盧潛溪孔昭云相傳徐五更有一聯云鼠因糧絕

潛蹤去犬為家貧放膽眠殊有感慨又傳曹殉節後數日

人見溪中有浮屍著素衣冠識者以為卽徐五也按徐五

名英字振烈侯官人余田生甸張超然遠並為之傳里中

人但稱為徐五云

柳南隨筆云王文恪公鑒祖塋在洞庭東山之化龍池形

為鳳凰展翅湖中案山稍偏地師云可惜狀元旗不正他

年應作探花郎後竟如其言越二百年而公之八代孫世

乃於康熙壬辰科狀元及第開環於會試前三日所夢於神夢至一廳事其柱聯云雨中春樹萬人雲裏帝城雙鳳蓋藏家闕二字以示必中狀元也

山陰徐文長渭一字天池又字青藤所居即名青藤書屋

青藤其手植也藤下有池橫一平橋橋承以柱上覆石臺

臺額曰天漢分源柱聯云一池金玉如如化滿眼青黃色

色真柱背又一聯云未必庸關別名教須知書戶孕江山

乘橋之柱額曰砥柱中流皆文長自書是所謂天池也見

董陽所撰青藤書屋記

楹聯叢話

卷一

三

紹興府城外三江濱海地也居民每有其魚之數明湯太

守紹恩創建應宿開水忠始息後人立公祠乞徐文長撰

廟聯文長疾書云鍊石補星辰兩月興工當萬應繼禹之

緒鑿山振河海千年遺蹟在三江于湯有光兩用成語一

切其事一切其姓越人每樂述之

常熟瞿詩明昌以粵行紀事云登伏波山謁關壯繆廟見

王父題額曰學本尊王又題一聯云浩氣塞兩間萬古綱

常永賴威靈宣八表千秋帶礪全憑凜凜然鞠躬盡瘁之

志上通神明矣按詩明為督師瞿起田式孫今此聯無

可考桂林人亦不能舉其詞矣

相傳天啓間塑關帝像二尊一大一小時有日者甚神熹

宗指二像令其推算日者稱小者福壽壽壽香火百倍於

大者熹宗遂以小像棄置正陽門左側一小廟中而供大

像於宮中以窮日者之言未幾關賊入宮大像遂燬而小

者香火日盛崇禎間有卜者邢姓設肆廟前甲申三月初

旬卜者書一聯於廟門云漢封侯晉封王有明封帝聖天

子可謂厚矣內有姦外有敵中原有賊大將軍何以待之

按此語乃左忠毅物魏奄時所上是又夢入前殿見關帝坐帳中告以明

楹聯叢話

卷一

三

運已盡天命有歸不日

大聖人至矣卜者寤後告人曰吾設肆於此十餘年滄桑

之變何忍見之明日遂縊於庭樹今廟旁有土地祠一白

鬚神即卜者云

客有誦王衍宮詞云月華如水浸宮殿有酒不醉真癡人

及明福王楹帖云萬事不如杯在手一年幾見月當頭以

為荒亡之言如出一轍是也然福王楹帖是王孟津錄所

書何良俊四友齋叢說謂二語乃吳中老儒朱楚航詩蓋

津亦書舊句耳

吾鄉康熙間蕭鰲菴以御史巡鹽兩淮假歸值耿精忠之變爲耿所害籍其貲得三十萬緡首於烏石山之鄰霄臺先是鰲菴倡議修復道山即烏石山建鄰霄臺勒百字碑紀之並書臺柱一聯云但願桑麻成樂土不妨詩酒上鄰霄至是鄉人易詩酒二字爲屍首謝古梅先生詩所謂荒臺草木千年恨樂土桑麻一夢中是也

陸稼書先生從祀文廟初議詩或以先生家中曾延僧誦誦爲疑其後人出先生手書廳事一聯云讀儒書不奉佛教遵母命權作道場議遂定

楹聯叢話卷一

古

孫夏峰先生居新安門人爲築雙柳居於學宮之東顏乃來題聯云近聖人之居教亦多術矣守先王之道文不在茲乎

耿精忠之變李鄴園總督之芳扼守衢州厥功甚偉人爲兵部尙書三衛軍民爲立生祠聯云淮蔡之功茂矣抑又過之大難削平重奠東南半壁琴鶴之操凜然於今爲烈名賢繼起恰得五百餘年

筠庵偶筆載宣武門外教子衎衎永慶寺爲僧文然所居之師殿前白楊古柏二僧室無他物壁有聯云石壓簞斜

出巖垂花倒開按五代道士石仲元隱於桂州之七星山自號桂華子負詩名世傳其警句如石壓木斜出岷懸花倒生之類甚多爲湘源守楊徽之所稱目爲玉方響事詳粵西叢載文然但偶書其語其字句間有異同耳

柳南隨筆載錢湘靈先生陸燦晚年居虞山老屋三楹適

當石梅之下松陰嵐翠如蒼龍目先生兀坐其中擁書萬卷咿哦不輟過其門者往往駐足覬伺流連不去先生咿哦自若也室中榜一聯云名滿天下不曾出戶一步言滿天下不曾出口一字爲三峰釋碩揆所書

楹聯叢話卷一

圭

楹聯叢話卷之二

福州梁章鉅輯

應制

楹聯之爲應制作者助於前明嘉靖時然如袁文榮夏貴溪所撰齋醮對聯傳者不過一二而浮夸之辭無當大雅良由其時載筆之臣固無巨手亦勝朝德政不足以備掄揚故凌夷衰微迄於無聲若此我

朝累洽重熙凡恭值大典慶成皆有進御文字靡不上勅

楹聯叢話卷二

天監下洽典歡自康熙乾隆年間兩次編輯

萬壽盛典皆有圖繪一門楹聯附焉而殿廷諸聯尤足以鋪鴻藻申景鑠潤色洪業鼓吹承平自有楹聯以來未有如此之盛者矣謹就所見分錄如左

康熙五十二年恭值

仁廟六旬萬壽自大內出西直門達西苑路皆

有牌樓樓宇每座落必有楹聯肅括宏深間皆出當時名公碩儒之手如順治舊經棚云周雅展歌如山如川如日月箕嘯敕題曰宮曰壽曰康帝普慶寺風經處云文德

武功兼帝王而大備心宗性學貫聖智以純全燈棚牌

樓云肇道風清霞管萬年調玉露瑤池春暖華燈五夜徹

瓊霄龍泉寺風經處云沸地笙簫月鳳和鳴占景運彌

天烟雷書鸞翔舞識祿符廣濟寺牌坊云算承東華若

木光騰春九十祥開南極蟠桃花放歲三千東三官廟

牌樓云保合太和道統乾坤生兩儀並久誕膺多福功

破民熙物阜四海皆春西三官廟牌樓云帝握貞符禹

甸盡歸滄海貢天開景運堯封常祝紫宸朝慈獻寺前

牌坊云十雨五風處處慶衢歌帝力千秋萬歲年年華渚

楹聯叢話卷二

耀神光關帝廟燈棚云敷天長戴仁天知後天之不老

大地同游樂地黃應地以無疆直隸全省燈棚云聖算

無疆盛藻鰲山開壽域天顏有喜清濬魚藻漾恩波江

南全省經棚云皇極運而歲月日時無易聖德大而祿位

名壽並隆浙江全省燈棚云日之升月之恒萬年延寶

祚天所覆地所載億萬金甌

乾隆五十五年恭值

純廟八旬萬壽華祝嵩呼之盛震今鑠古尤爲史牒所未

聞崇禎

萬壽盛典所載楹聯大都按切時事臚陳實政非若登春
遊華胥者徒爲揣摩想像之詞蓋

九重之福壽愈隆功德愈盛而永明金馬之彥研精殫慮
其鴻筆又足以發揮之洵頌禱之大觀而掄揚之極軌也
謹就所見分錄如左如四言云四時爲柄萬象皆春 百
順爲福六合同春 佛天佛日壽世壽民 皇建福極位
在德元 圖成耕織詩集攻同 願聖人壽延天子光
五言云堯齡增瑞甲軒紀叶長庚 九五福曰壽八千歲
爲秋 八徵陳妣範三祝晉堯封 篆凝仁壽字花發吉

楹聯叢話卷二

三

祥春 祝恒河沙壽歌大海潮音 乾璣甄月軌泰筵衍
天環 六言云景命壽於旗翼淳風邈彼埃塵 五福堂
同五代八句時念八徵 七言云泰筵中符天地數坤珍
大闢嶽川祥 星雲麗近中秋節山海祥開益地圖 壽
星四照環辰北王會來同暨日南 春秋紀合八千歲甲
子周回三萬句 皇德福錫庶民福帝如春典四時春
位祿各壽德惟券高明博厚久斯徵 八功八德無量佛
千春千秋大椿年 軒錄正當符健順義文從此衍貞元
人如夏彥歌游豫地是春臺樂解熙 春臺照育歌綴

萬化日舒長紀大千一福由天縱超千聖年越古稀又十
春 能以美利利天下是用多福福人 獻華童子名長

壽得道仙翁住太常謂太常仙樂也 四時來備各以敘如川方
至莫不增 皇建極會極歸極帝作歌虞歌載歌 山庚
慶洽三千界周甲重開二十春 萬年椿壽斯爲壽五世
蘭孫又見孫 萬衆人天歡贊佛十方功德統遵王 化
國蜚提春大共壽人更老說從長 渥恩綢詔駢科詔新
慶交封暨細封 橋門邁漢三雍典職貢超唐十道圖
鳩杖作朋春醺饌鶯衣呈舞暇詞新 壽趾培基山萬歲

楹聯叢話卷二

四

恩波灑潤水中沚 八言云東西朔南訖于四海歲時月
日惟曰萬年 山盈川冲受茲介福輶萌壤叟同我太平
一字一音求合於百萬首萬徧均和其聲謂新製備歌樂章也
敬天勤民以篤慶祚揆文奮武載揚大聲 儒館獻歌禮
官紀典海人懷德縷序蒙祉 文武聖神在明明德位祿
名壽得全全昌 九言云花雨能仁祝壽齡億載雲枝普
茂景海甸三華 五十有五年堂開五代八句兼八月璽
刻八徵 七曜燦珠囊榮鏡宇出萬年絲寶錄合撰升恒
祝曼壽須彌化漸印度讚文殊師利景麗臺懷 十言